

Государствд мах оруудж өглгәнә зураг белзглань күцәхмн

Хальмг АССР-н мал белдлгәнә республиканск конторин
залач А. А. Пашинсклā кесн кӯиндвр

1958 джил Хальмг АССР-н колхозмуд боли совхозмуд государствд мах оруудж өгх зурагъан 96,8 процент күцāv.

Яшалтинск район зурагъан 110,7 процент, Каспийск — 107,8 процент, Приютненск — 105,8 процент күцāv. Наадк райод зурагъан одачн күцәгъад уга. Юнъгад ним хашнъгар эн райод зурагъан күцәджәхмб гихлā, эн джилин хаврас авн кинтртл тер райодар бод малд боли хōбнд шӯлкā гем ирād, газаран гаргъдг аргъ уга болсн учрар махна малиг цаглань государствд өгч чадсн уга.

Хальмг АССР-н колхозмуд боли совхозмуд государствд мах оруудж өгх зурагъан нургълдж хōбдār күцәнā. Махна комбинатсур оруудж өггдсн махна мал ик зунь таргън боли дундин чинātā болдж гарна.

Элет балгъсн, Приютненск боли Целинн райодин колхозмуд боли совхозмуд махна малиг Ставропольск, Пятигорск, Ессентукск, Кисловодск боли Нальчикск махна комбинатсур тōмр хаалгъар күргнā. Яшалтинск боли Западн райодин колхозмуд боли совхозмуд — Сальск махна комбинатсур, Сарпинск боли Приозерн райод — Сталинградск, Юстинск, Каспийск боли Яшкульск райод — Астраханск махна комбинатур, Черноземельск — Буденновск комбинатур оруудж өгцхәнā.

Болв, эн деер келгдсн махна комбинатс Хальмг АССР-н колхозмудас боли совхозмудас авч ирсн махна малиг цаглань эс авдг учр харгъна. Кест хонгт авдлго хоосн зогсн мал чинāгъан геегъад, ик гару манд өгнā. Эн хамгиг Ставропольск, Ростовск, Сталинградск боли Астраханск Совнархозмуд медā бāәсн бийн, гарчах эндүг цаглань чиклджәхмн уга.

Махна малиг туудж дассн, сән да-

милгта малчир, туудж күргсн, малас гару гарчахмн уга.

Махна мал белдлгәнә боли бордлгәнә Хальмг республиканск конторин медлд бāәх «Победа» совхоз (директоринь үр Галзанов) джил болгън государствд ик гару өгнā. Юнъгад ним гарута болна гихлā, эн совхоз ут-туршдан 8 минъгън гектар газрта, терүнәснь 1,5 минъгън гектар газрт тārā-темс тārнā. Наадк үлдсн газртнь мал идшлүлнā, дакад өвс хадж авна. Мал идшлүлдг газр багъ болсн учрар джил болгън зуг 5 минъгън хō, 1,5 минъгън бод мал государствд оруудж өггднā. Энүнәс икār мал бāрдг аргъ уга болснд эн совхоз государствд олз-ору икār өгчәхмн уга.

Тегād колхозмудас боли совхозмудас авсн махна малиг цааранднь асрдж, таргълулад государствд мах икār оруудж өгхин кергт эн совхозд 15-20 минъгън гектар газр немдж өгх кергтā болджана. Тер цагт эн совхоз джил болгън махна зурагъан күцәдж, государствд ик олз-ору өгч чадхмн.

Хальмг АССР-н махна мал белдлгънд райодин контормудт бас дōнь өгх кергтā. Приозерн, Яшкульск, Юстинск, Приютненск, Целинн райодин контормудт махна мал таргълулх газр уга.

Зуни боли намрин цагт республикин колхозмуд боли совхозмуд государствд махна мал икār оруудж өгнā. Тер малиг тууврар авч одхла ик гару гарчахмн уга, зуг тōмр хаалгъар ачдж күргхд ик гару гарна. Государствд гару эс гаргъхин кергт, махна мал белдлгәнә райодин контор болгънд государственн газрас шишлнъ газр гаргъдж өгх кергтā. Тиигхлā, колхозмудас боли совхозмудас авсн багъ наста малиг цааранднь өскдж, таргълуудж государствд таргън мах оруудж өгх эв-аргъ өгчәнā.

Бичдж авснь А. ДЖЕВАЛДЫКОВ.